

FEDERACIJA BOSNE I HERCEGOVINE-KANTONALNI ODBOR USK-a



SAMOSTALNI SINDIKAT OSNOVNOG OBRAZOVANJA I ODGOJA

Bihać, Ul. Krupska 26

Tel/fax ++387 37 223-661  
e-mail: ssooio.kousk@yahoo.com  
www.ssooiousk.org

Broj: O1-HZ-20/16  
Bihać, 30.01. 2016. godine

Na osnovu člana 156. Zakona o radu („Službene novine F BiH“ 62/15 ), člana 2. Zakona o štrajku („Službene novine F BiH „ broj: 14/00.) člana 51. stav 1. Statuta samostalnog sindikata osnovnog obrazovanja i odgoja F BiH broj 01-103/13 od 23.02.2013.god, člana 5.stav 2. Pravila Saveza samostalnog sindikata BiH o štrajku broj: 01-1030/2001. od 01. 11. 2001. godine , a uz saglasnost Upravnog odbora odbora Samostalnog sindikata osnovnog obrazovanja i odgoja F BiH broj 01-115/16 od 25.01.2016.godine, Skupština povjereništva Samostalnog sindikata osnovnog obrazovanja i odgoja F BiH na USK-u, na sjednici održanoj 30. 01. 2016. godine u Bihaću, donosi :

#### O D L U K U

**o organizovanju i održavanju generalnog štrajka radnika u ustanovama osnovnog obrazovanja i odgoja Unsko-sanskog kantona**

##### Član 1.

Ovom Odlukom utvrđuje se vrijeme, mjesto održavanja štrajka, razlozi organizovanja štrajka, zahtjevi radnika u štrajku i imena članova štrajkačkog odbora.

##### Član 2.

Zbog neispunjavanja zahtjeva članstva SSOIO-a USK-a, istaknutih na pregovorima sa predstavnicima vlasti USK-a , neispunjavanja svih obaveza iz potpisanog Sporazuma od 14.09. 2015. godine, i zahtjeva iznesenih na Protestu radnika održanom 30.januara 2016.godine, a navedenih u ovoj Odluci , Skupština povjereništva Samostalnog sindikata osnovnog obrazovanja i odgoja F BiH na USK-a organizuje štrajk radnika u ustanovama osnovnog obrazovanja i odgoja u USK-a

Štrajk će početi u periodu od 02.03. do 07.03.2016 godine.

Odluku o tačnom datumu početka štrajka utvrditi će Kantonalni odbor SSOIO USK-a, a na osnovu saglasnosti Skupštine povjereništva Samostalnog sindikata osnovnog obrazovanja i odgoja F BiH na USK-u.

Štrajk će trajati do ispunjenja zahtjeva upućenih prema Vladi USK-a i poslodavcima.

##### Član 3.

Mjesto održavanja štrajka su javne ustanove-osnovnog obrazovanja i odgoja na području USK-a.

##### Član 4.

Članovi Sindikata koji sudjeluju u štrajku, organizovanom u skladu sa Zakonom o štrajku obavezuju se da štrajk provedu po svim zakonskim procedurama na svim nivoima, počev od sindikalne podružnice, pa do Kantonalnog odbora SSOIO USK-a.

## Član 5.

Štrajk se organizuje isključivo radi ostvarivanja ekonomskih i socijalnih prava radnika i u tom cilju postavljaju se slijedeći zahtjevi:

1. Isplata dugovanja iz 2015. godine (topli obroci, prevoz sa posla i na posao, otpremnine i smrtni slučajevi);
2. Redovna isplata plaća te naknada koje nemaju karakter plaća u zakonskom roku, a po mogućnosti za isti dan svim radnicima koji se finansiraju iz budžeta USK-a,
3. Dovođenje radnika osnovnog obrazovanja i odgoja u ravnopravan odnos sa ostalim radnicima koji se finansiraju iz budžeta USK-a u smislu izjednačavanja osnovice i koeficijenata za izračun i isplate plate;
4. Izjednačavanje primanja za porodiljsko odsustvo svim korisnicima tog odsustva iz osnovnog obrazovanja i odgoja sa korisnicima porodiljskog odsustva koji primaju plaće iz Budžeta USK-a;
5. Poštivanje Zakonom, odnosno kolektivnim ugovorom predviđenog načina obračuna minulog rada pomoćnom osoblju zaposlenom u osnovnom obrazovanju i odgoju ;
6. Izvršiti analizu dugovanja po izvršnim sudskim presudama radnika osnovnog obrazovanja i odgoja USK, te pripremiti okvirni plan za isplatu,
7. Donošenje Pravilnika o napredovanju u oblasti obrazovanja;
8. Zbog obaveze nadoknade nastave obavezno plaćanje vremena provedenog u štrajku kao radnog vremena

## Član 6.

Štrajkom rukovodi Štrajkački odbor SSOOIO-a USK-a koji čini 5 članova i to:

1. HADŽIĆ ZEHA, predsjednik
2. KURTAGIĆ AMEL, zamjenik predsjednika
3. SHOKUMBI BEBA
4. ARNAUTOVIĆ KASIM
5. HALILOVIĆ ERNES

Sjedište Štrajkačkog odbora je u Bihaću, Krupska 26.

Štrajkački odbor SSOOIO donosi uputstvo o organizaciji i načinu vođenja štrajka.

Štrajkačke odbore u Sindikalnim podružnicama čine članovi Sindikalnog odbora Sindikalne podružnice.

## Član 7.

Sindikalni odbor sindikalne podružnice će sporazumno sa svojim poslodavcem utvrditi minimum poslova koji se ne mogu prekidati za vrijeme štrajka u skladu sa članom 5. Zakona o štrajku.

Sporazum o minimumu poslova koji se ne mogu prekidati za vrijeme štrajka može, samo na zahtjev Ministarstva obrazovanja u Vladi USK-a zaključiti Štrajkački odbor za sve javne ustanove osnovnog obrazovanja i odgoja na području USK-a.

Sporazum iz predhodnog stava imati će karakter Sporazuma iz stava 1 ovog člana.

Sporazum iz stava 1. ovog člana naročito treba da sadrži odredbe o poslovima i broju radnika koji su dužni da rade za vrijeme trajanja štrajka, radi osiguranja minimuma poslova, te odredbe o poslovima obezbjeđenja sigurnosti imovine i lica, ali ne smije onemogućiti niti ograničiti pravo na štrajk.

## Član 8.

Štrajk ne može započeti prije provođenja postupka mirjenja, odnosno prije provođenja drugog načina mirnog rješavanja spora o kojem su se strane sporazumjele.

Način mirnog rješavanja spora dogovoriti će strane u sporu.

Štrajkački odbor SSOOIO-a USK-a poziva Vladu USK-a i poslodavce na intenzivne pregovore, odnosno provođenje postupka mirnog rješavanja spora.

#### Član 9.

Ukoliko u toku postupka mirnog rješavanja spora strane u sporu sporazumno riješe pitanja zbog kojih je štrajk organizovan i zakazan, Štrajkački odbor o tome obavještava Kantonalni odbor SSOOIO USK-a koji donosi Odluku o obustavljanju štrajka.

#### Član 10.

Odluka stupa na snagu danom donošenja.

Dostavljeno:

- Premijeru Vlade USK-a,
- Predsjedavajućem Skupštine USK-a,
- Ministarstvu obrazovanja USK,
- Ministarstvu finansija USK-a,
- Ministarstvu pravde USK-a,
- Poslodavcima-Direktorima škola,
- Predsjednicima i članovima – Sindikalnih odbora u školama
- MUP-u USK-a,
- Misiji OSCE-a - odjel za obrazovanje,
- Sindikatu SSOOIO-FBiH – Sarajevo,
- Savezu samostalnih sindikata BiH
- Sredstvima javnog informisanja,
- a/a



PREDSJEDNIK KO SSOOIO USK-a

HADŽIĆ ZEHRA

*Hadžić Zehra*